

Iroun Beretitenti
Henry B. Eyring
Moani Kauntira n te
Moan Beretitentii



Aroaro n Ninikoria

Teuana mai ibuakon bukin te maiu n rabwata bwa ti na kakoaua nakon te Atua bwa ti kona ni kawakinii ana tua ngke e kainnanoa te ninikoria. Ti tokanakai iaon te kataaki anne n te aonaaba n tamnei. Ma te katenimwakoro n anera mai karawa a kakaitara te babaire n te aro are a kataaki n te maiu n rabwata ao e a karika te kangaanga ao a bwaka.

Imwain ae ti bungiaki, ti ataa te Atua ao Natina ae Iesu Kristo, i bon iroura. Ti kona n nooria ao n ongoraa Irouia ngkai a reireiniira ao a kaungaira. Ngkai te rabuna n ataibwai e a tia n rabuna ara iango ao ara ururing. Tatan, tamaia keewe, iai ana anga ibukina bwa ti riai ni kinaa raoi anuara rinanon ara taratara n onimaki, ngkai rabwatara a kairira nakon kaririin te aonaaba ao nakon mamaran te maiu n rabwata.

Iai buokara ae korakora are e anganira te ninikoria n te maiu aei. Te kabanea ni korakora bon Ana Mwakuri ni Kamaiu Iesu Kristo. Ibukin te bawai ae E a tia ni karoia, buure a kona ni kabwaraaki inanon te ran ni bwa-betito. Ti kona ni kabouua te kakabwaia anne ngkana ti butimwaea te toa n te onimaki ao te nano n rairannano.

Bwain tangira n te tamnei bon ngaia naba bwaai ni ibuobuoki. Ti karekea Tamnein Kristo ngke ti bungiaki. Are e anganira te konaa n ataa ara rinerine ni kataakira ae ti anganaki are e na kairira nakon te maiu are akea tokina. Booki aika a tabu ngaia kairara ni koaua ngkana

ti wareki man raonaki iroun te Tamnei ae Raoiroi.

Te Tamnei ae Raoiroi e anganira te kona ni kakaitau ao ni bubuti buokara n te tataro ma te oota ae e itiaki ao te onimaki are ti a tia ngkoa ni karekea ni maiura ma Tamara are i Karawa ao are ti na manga karekea ngkana tia manga Okiria. Ara itoman ma te Atua e na boukira ni katoka te maaku mai inanora ngkai e kari-kirakea ara onimaki ao ara tangira iroun Tamara are i Karawa ao Iesu Kristo

Te nakoanibonga ae e tabu e anganira te ninikoria n ara mwakuri ni ibuobuoki. Inanon ana otenanti ti karekea te mwaaka ni beku ibukiia natin te Atua ao ni kona ni kaitara ana kaibwabwaru te buakaka. Ngkana e weteira bwa ti na beku, ti karekea te berita: Ao bwa are butimwaira, ao E na mena naba ikekei, E na nako n rimoara. E na mena i angataira ao i angamaingira, ao Tamneina e na mena inanora, ao ana anera ana katobibira, ao n tabekirarake (tara D&C 84:88).

Te Burabeti Iotebwa Timiti inanon ana mwakuri ni ibuobuoki iai ibukin maakuna. Ma te Atua E anganna te ninikoria ma te koaua raoi n ana katooto te Mataniwii.

E taku bwa ngkana e karenakoaki Iotebwa inanon te marua, ke n reke inanon baia taan tiritiri, ao ni motikaki taekana nakon te kamateaki; ke n karenakoaki n te kinono, man kaitaraaki ma angibuakan te maiu aei; ke ngkana te angbuaka e reke bwa kaitaraana, ao man

rootongtong karawa, ao ngkana bwaai ni kabane a tuuka kawaina, ao iaon bwaai nako, ngkana mataroan moone e katangainaaki imwaina, kona riai n ataia natiu, bwa bwaai aikai anganiko bwa reireiam, ao n riki bwa kairam ae tamaroa.

Te Uea e tuangii bwa Natin Te Aomata e ruorikaaki ni kamangoria riki nakoia, man titiraki ngkana a kakanato riki Nakoina (tara D&C 122:7–8).

Te Atua e a tia n anganiira ae e nang tau buokara ni katoka te maaku ao n anganira te ninikoria, n te bwai are ti kaitibo ma ngaia inanon maiura. Ngkana ti bubuti ibukin Ana ibuobuoki, E kona n tabekiira nakon te maiu are e aki toki are ti ukoukoria.

REIREI MAN TE RONGORONGO AEI

Iesu Kristo, te Tia Reirei ae Ataibwai, n tabetai e titirakinira titiraki ni kaungaia aomata bwa ana iangoa ao ni maiuakin taian reirei are E taekini. Ana titiraki a kamwakuri iango, ukoukori-maiura, ao motinnano” (*Teaching, No Greater Call* [1999], 68). Iangoa karaaoan ao ni bubuti titiraki tabeua are e na buokiia aomata nako bwa ana matata ao ni maiuakin taian koaua ake a reiakinaki n te rongorongo. “N aron te katoto, ko kona n titiraki, Tera te buoka ae e anganiko te Atua ni katoka te maaku ao n anganiko te ninikoria?” ke “E kanga te Atua ni buokiko n tokanikai iaon maakum?” Kaungaia aomata nako bwa ana iangoi raoi aia reke imwain aia kaeka.

RORONRIKIRAKE

Akea te Aomata ae e Kororaoi.

Mairoun Shauna Skoubye

I aki toki ni iangoia ni kan riki n aekakin Nibwaai: n nang n ongeaba, korakora n te onimaki, ao man onrake n te tamnei. N au taratara ao Nibwaai boni ngaia te kabanea ni korakora ni katooto iaon te tamaroa. Bwaai tabeua ae anaa nanou riki nakon iangoan ae ikawairake n ai aekakina—ke ni moanna ni bwaina mwakoron raoiroina.

Te taina ao I a karekea te kanganga ae e uarereke, are e a riki man au namakin n aki konabwai. E rang ni bati au iango ao a mwaiti au kouru. Ma e taraa n ae akea te bwai ae I kona ni karaoia. Rinanon rannimata n bwarannano, I kabwarabwarai au namakin nakon

tamau. E a karaurau n teirake, e nakonako nakon nne-ni booki, ao e a buuta teuana mai ibuakon ana katoto ana Boki Moomon. N akean te taeka ae e taekinna, e a kaukia nakon 2 Nibwaai 4 ao ni moana warekan te kibu 17.

Te maitoro e roota rabatau kanga ai aron te teiti ngke I a ongora nakon taeka aika a korakora aikai: “O te aomata ngai ae e kainanou. E a biriaitua au iango. E kanga Nibwaai, au ninikoria ao au katooto, n taekinna bwa e kainanona”? Ngkana e kainanona, ao tera ae karikai iai?

Te iti e a manga roota riki nanou ngke e tabe tamau ni wareka te kibu 28: “Uti, tamneiu ! Tai manga bwaka inanon te bure.” E tara n ae te bwarannano ae mena inanou e bua nako ao man kaitiakaki n ootan taai. E taraa ni kanganga kabwarabwaraan ana mwakuri te kibu aei are e kaota nanou. Tabeua kiibu mani booki aika tabu a kaonai ma te kantaninga, te namakin, ao te kukurei n aron ae e riki ngkai.

Ni kibuna 30, Nibwaai e taekina raoi te bwai are I iangoia, ti inanon taeka aika a rang kabonganaki: “E na kimwareirei tamneiu iroum, Atuau, ae te bwaa ibukin kamaiuau.” Te kibu aei e uota te namakin ae e rau ao ni karabwarabwa ibukin ana nanoanga te Uea ao ana tangira.

E kaina te boki tamau ao e kabwarabwara bwa kiibu aikai aranaki n tabetai bwa Ana Areru Nibwaai. E reireiai raoi bwa e ngae ngke aomata aika a rang korakora iaon te aba a bon aki kororaoi, ao aomata aikai ana riai ni kinai aki kororaoia bwa tokina ana kainikatonga ao n te aro are, ana aki korakora.

I mataata. Ti ibukin ae iai mamaarau ao tiaki nanona bwa N nang aki kona n riki n ai aron Nibwaai. Ataakin mamaarau e uotai ni kaaniai nakon anuan Nibwaai. Nibwaai e rang korakora ibukina, ngkai e rangin ongeaba ao ni kakaonimaki, e nanorinano man tauraoi ni butimwaai ana kairua.

Imwiin te bwai ane e riki anne, I rang kawakin raoi ana taeka Nibwaai. Ni katoa tai ngkana I wareki, I rinanon taian kantininga ao namakin n aron te moan tai ngke I wareki. Te kibu aei e katanoataa nakoiu bwa Ngai bon natin te Atua te aine, ae I bon kantiningaia kantiningaia. I kakoaua bwa ngkana I kakaonimaki ao n teimatoa, kakabwaia aika aaki taekinaki ana bon kaokaki.

Bwain Tangira Aika Anganiira Te Ninikoria

B eretitenti Eyring e tuangiira ibukin bwain tangira tabeua ae e anganiira te ninikoria. Wareware ni kiibu aikana inano, ao korea aran te bwain tangira n te bwangabwanga. Maroroo ma am utu bwa e kanga te bwain tangira anne ni kona n anganiko te ninikoria.

1.Mwakuri 22:16 _____

2.2 Nibwaai 4:15 _____

3.D&C 59:8–9 _____

4.2 Nibwaai 32:5; Ioane 14:26–27 _____

5.1 Tetaronike 5:17 _____

Kakorakoraan te Onimaki iroun te Atua te Tama ao Iesu Kristo rinanon Oin Ara Kamatebwai ni Booki Aika a Tabu



Reirei koroboki aika tabu ma taeka aikai ke, ngkana e tangiraki, te reirei riki teuana ae na kakabwaiia tarimi ake kam kawariia. Anga am koaua iaon te reirei. Kaoia naake ko kawariia bwa a na tibwa te bwai are a tia n namakinna ao n ataia man te reirei.

Ngke I a bon tibwa mareaki, . . . I a kaoaki nakon te katawanou ibukiia taari aine n te Bootaki n Aine inanon au uoote are a tibwa tia ni wareka Ana Boki Moomon ke te rongorongo ae e uarereke ibukin te Ekaretia. I aki rang raraoma n au wareware ni booki aika a tabu, ngaiia are I a tau n ira te katawanou man warekan te boki ae e uarereke ibukina bwa e bebete ao e kauare-rekea te tai. Ngke I a katawanou, I a karekea te namakin ae e korakora e ngae ngke te rongorongo n te boki aei e rangi n tamaroa, Nna kaman riai ni wareka Ana Boki Moomon. Te Tamnei ae Raoiroi e anganai te namakin n ibita anuuau ni wareware ni booki aika a tabu. N te bong anne I a moana warekan Ana Boki Moomon, ao I aki kan katokia. . . . Ibukina bwa I a moana au wareware ni booki aika a tabu ni katoa bong, I a reiakinaki taekan Tamau are i kawa, Natina are Iesu Kristo, ao tera ae Nna riai ni karaoia n ai Aroia. . . .

“. . . Aine n tatabemaniaa nako a kona n riki bwa taan reirei n tuua n te euangkerio inanon mwengaia, ao taari aine n tatabemaniaa nako inanon te Ekaretia a kainnanoa te atatai n te euangkerio ngkai ngaiia taan kairiiria ao taan reirei. Ngkana ko tuai ni karikirakea te anua ni wareware ni booki aika a tabu, moanna mang ngkai ao waakina am kamatebwai n te aro bwa ko aonga n tauraoi ibukin katabeam n te maiu aei ao n te maiu ae na roko.”¹

Julie B. Beck, te Beretitenti ni Kabuta n Aia Bootaki Aine.

Te kamatebwai ni booki aika a tabu e na buoki ara koaua ao aia koaua kain ara utu. Ara ataei ni boong aikai a ikawairake mani katobibiaki n taian bwana ae anaa nanoia bwa ana urua ae eti ao ni karekea, n onea mwiin, kukurein te aonaaba. Ti ngkana e matoatoa aaia n ana euangkerio Iesu Kristo, iai te kakoaua iaon taian koaua, ao te nano ni kan maeka ma te kororaoi, a butimwae-aki nakon anua aikai. Tabera bwa ti na kakorakoraia ao n kamanoia.”²

Beretitenti Thomas S. Monson.

“Ti tangiria taari aine bwa ana riki bwa taan rabakau iaon boo-ki aika a tabu. . . . Ko kainnanoa ataakin ana koaua aika akea tokia ibukin oin buokam, ao ibukin reia-kinaia oin natim ao tabemwaang

IBUOBUOKI IBUKIN TE REIREI NI KAKAWARI

Inanon rokom, kaekai titiraki ao tibwaua am atatai iaon koauan bwaai ao ni kabonganai booki aika a tabu. Kaota am koaua bwa e kanga am kamatebwai iaon booki aika a tabu ni kakorakora am onimaki. Titirakina te aine ane ko kawaria bwa e na tibwaua bwa e kanga aron ana kamatebwai ni booki aika a tabu ni kakorakora mweengana ao ana utu.

OIN AM KATAURAOI

Ioane 5:39

2 Timoteo 3:14–17

2 Nibwaai 9:50–51; 31:20; 32:3–5

D&C 138:1–11

ake a na rootaki man anuam.³

“Ti tangira mweengara bwa e na kakabwaiaki irouwia aine aika taan rabakau ni booki aika a tabu—e ngae ngke ko tuai ni iein ke koa tia ni mare, ko ataei ke koa kara, e a tia ni mate buum ke ko maeka inanon te utu. . . . N riki bwa taan rabakau iaon booki aika a tabu—n aki uotia rikaaki temwaangina, ma kona tabekiarake!”⁴

Beretitenti Spencer W. Kimball (1895–1985).

BWAAI AIKA A NA TARAAKI

1. Julie B. Beck, “E kimwareirei nanou ni Booki aika a tabu,” *Riaona*, Meei 2004, 107–9.
2. Thomas S. Monson, “Tenua Kouru aena Kairiko,” *Riaona*, Nobembwa 2007, 118.
3. Spencer W. Kimball, *Privileges and Responsibilities of Sisters*, *Ensign*, Nobembwa 1978, 102.
4. Spencer W. Kimball, “The Role of Righteous Women,” *Ensign*, Nobembwa 1979, 104.

@2010 iroun Interllectual Reserve, Inc. A bane n tauaki mwiin taian kariai ibukin katootongana. Boretiaki i USA Kariaiakaki n te Ingiriti: 6/09 Kariaiakaki rairana. Rairan te *Visiting Teaching Message*, March 2010. Kiribati. 09363 859